

京師坊巷志

五

京師坊巷志卷九

義烏朱一新
江陰繆荃孫同撰

吳興劉承幹重訂

外城南城

廣寧門大街

俗稱彰義門大街義或譌儀彰義金之正西門也井
十一韋馱庵井一老君廟井一迤東直宣武門街有
市曰菜市口刑人之所井一菜市汛在焉少西曰柴
炭市曰灰市曰草市曰糧食店西城正指揮署步軍
統領所屬南營游擊署俱在南北有增壽寺西至斜

街口有廣恩寺元之大悲閣也又西爲廣德寺有洪
洞西晉河東貴西揚州諸會館南小衚衕曰南馬道
曰雙馬市曰鑪子衕衕曰南胳膊園北小衕衕曰北
馬道曰連連房曰鈴璫衕衕曰王子墳明宗人塋地
在其後井二曰觜巴衕衕井一曰靴子衕衕曰北胳膊
園井一曰口袋衕衕曰石虎衕衕曰增壽寺西夾
道井一曰夾道居曰活樹林曰芝麻店井一

藤陰雜記王樓村式丹慈仁寺東揚州會館移居
詩大地鄰虛總一塵冷官隨處可容身栽花樹柵
閒中事愛酒憐詩我輩人桑下定惟三宿戀槐陰

也作兩家春卻思舊雨東西路千萬還應更買鄰
揚館今在菜市口離慈仁幾二里許劉大山巖贈
樓村移居詩碧山堂裏老尙書二十年前此卜廬
案揚館舊爲江甘儀館徐乾學碧山堂見北城
館蓋其舊宅也 萬厯沈志增壽寺在宣北坊有
敕建碑 藤陰雜記西城飯廠設增壽寺錢飲光
澄之到京寓寺詩一路風塵滿鬢華解鞍便宿老
僧家房留官坐監施飯店與人開帶賣茶庭樹午
餘時繫馬鐘樓日落亂棲鴉五更不睡騾車過鐸
響鈴聲枕畔譁知康熙初年捨飯卽在此寺 宸

垣識略懺園在增壽寺夾道貴撫王燕別業今尙
存毛奇齡有游王大中丞園林詩 案燕爲 國

初大學士王熙之弟萬光泰游懺園詩小巷大街
東園居近佛宮殘蟬斜照後獨鳥亂煙中樹老藤
全白籬荒棗半紅曲池無寸水彈入雍門桐近更
鞠爲茂草矣 析津志聖恩寺卽大悲閣閣祠大
悲觀音菩薩寺後有方石甃八角塔窮漢市在大
悲閣東南巷內蒸餅市在大悲閣後披雲樓在大
悲閣東南臚粉市在披雲樓南金臺集大悲閣榜
虞世南所書遼史太祖援石晉自潞州迴入幽州

幸大悲閣指白衣觀音像曰我夢神人令送石郎
爲中國帝卽此也因移木葉山建興王寺春秋告
饗尊爲家神 金史五行志大安二年十一月大
悲閣幡竿下石隙中火出高二三尺近之卽滅凡
十餘日自是都城連夜燔爇二三十處三月閣災
延燒萬餘家火五日不絕 春明夢餘錄披雲樓
題額是金章宗手書上有遠樹影雖風雨晦冥皆
見 案大悲閣在金元時最爲名利宋張甫嘗使
窩羅虎紿元將俚砮奴飲於此推使投閣幾斃又
元至正閒京師大疫宦官朴不花於此設醮事各

具本傳舊聞考尙稱爲聖恩寺近復改作廣恩門
額書道光十一年重修或卽其時改名也寺已頽
敝舊碑無一存者閣與塔皆久廢披雲樓據志言
當在今右安門內舊蹟無可徵矣 蔡偉北狩行
錄太上北至燕京寓延壽寺嗣濮王仲理以下別
居仙露僧舍 燕雲錄嗣濮王以下宗女等千八
百口至燕山仙露寺日給米一升半月支鹽一升
二聖同聖眷起發中京金人納絹萬匹道君分賜
百五十匹與仙露寺宗室作冬衣 案仙露寺在
菜市西諸志皆失載 國初居民治地得遼天祿

三年藏舍利石匣旁有釋志愿記始知此地卽寺
遺址記後干人邑三字蓋社名也事見析津日記
又元王惲有商鼎歌其序謂仙露寺僧藏商鼎有
年燕士張文季好求古器不惜百金易而得之見
惲所著秋澗集 曹學佺名勝志婆娑亭在彰儀
門內元馬文友別墅也春明夢餘錄文友又築飲
山亭 七人聯句詩集陳一夔贈趙栗夫詩菜市
街西新卜居豆棚瓜蔓共蕭疏胸中富有書千卷
誰笑家無儋石儲 案馬文友趙栗夫故居今皆
無考

爛麪衙衙

亦作爛眠井一

西有水月庵井一東有廣仁堂乾隆閒大學士史貽直故宅也舊額猶存有濟南元寧常昭諸會館東小衙衙曰紅羅廠井一西小衙衙曰九閒房曰水月庵夾道

寄園寄所寄錄京師二月淘溝穢氣觸人爛麪衙衙尤甚深廣各二丈開時不通車馬此地在此憫忠寺東唐碑稱寺在燕城東南隅疑爲幽州節度使城之故壕也案唐采師倫書重藏舍利記稱智泉寺在子城東門東百餘步大衙之北智泉寺卽

大雲寺今已廢據夢餘錄言在憫忠寺前此地有
唐時故塚說宜近是 躬恥齋詩鈔道光二十年
始以山陰會稽別館爲越中忠義祠建閣其上曰
正氣閣明年春稷辰始集同人春祭爲詩紀事自
注閣在宣南坊嬾眠衲衲自建閣後忠義之靈甚
赫有居之者其人不潔見古衣冠滿庭斥令移出
人相戒不敢慢 藤陰雜記接葉亭在爛麪衲衲
中憫湯西崖少宰居焉賦詩云中丞宰木拱大令
宿草深注四十年前傳兩臣感丁中丞居此沈礪
房大令嘗寓云西崖詠齋中草木至五十二首可

謂蕃矣雍正時張南華鵬翀居之賦小集牛字韻
八首乾隆丙辰鴻博徵士來京若杭堇浦周蘭坡
申笏珊恆集於此周送翁朗夫照詩嬾眠古巷聯
裙屐接葉高亭發嘯歌丁巳沈椒園侍郎寓吳少
司馬應棻招同人讌集首倡徐恕齋以升贈侍郎
詩牀休論上下解各占西東又有感懷次吳少司
馬韻詩周西濂天度感懷云青棠如綫草如煙閱
世眞成浩劫前日下林皋皆若此人閒壇坫亦淒
然蝸行蠹壁餘殘壘蟲網疏窗罷輶弦熟客不來
賓從散春風夜雨落苔錢極寫荒涼之景後爲查

中丞禮祝芷塘德麟寓稍葺治請王蓬心宸繪圖
徵詩李羹堂調元八疊和韻今歸吳漪園太史裕
德 笏山詩集自注丙辰秋冬之間厲樊榭沈東
甫沈幼牧迨耕石汪槐塘諸君同寓於接葉亭

案蔣士銓有查恂叔太守招飲接葉亭看丁香詩
查氏銅鼓書堂集言移居宣南坊庭多雜樹古藤
數本蔭屋二三閒足供憩息復有接葉亭詩碧玉
山房詩自注山房在東城今莫知其處矣又朱笥
河集有書祝芷塘接葉亭卷後詩歷舉前後寓公
足補藤陰雜記之遺詩略云前輩懷清公掌院事

初攝文光果詩奏宸什和密葉黃公序其集清絕
心所愜曰卉木竹石所居勝洛鄴嘗自詠齋中五
十二首捷大椿歌頻見嘉樹筆亦涉感歎傳中丞
宰木隔郊堞四十年儻去彈指不堪捻又云徐氏
園王癸逐游屨歲六十重居旁舍新拓輒如何華
屋處零落又在睫人傳爛麪衙卽公跡所躡後來
張詹事憩吟髯如鬣寶愛著六吟一亭笛更撼松
江張氏住花樹手整攢地古山精藏黑夜人臥麗
妙正真人符驅之行蹠躡擲繩空中步姍姍露珠
極久之亦絕怪懔懔疑電晷少選查太守丁香春

卷絕時從粵西歸葉唱簷低接工詩趙舍人拈鬚
坐妥帖早歲翰林祝渺焉停履屨湖山繼前輩香
草此爭拾煙雲忽無端良會殊鵜鶘翰林移居去
東鄰謝舊業王住畢行行分陝山之俠迢迢查與
趙西南邈天脅此圖又何常過眼吹浩劫 畢沉
靈巖山人詩集自注祝芷塘移居接葉亭距余厲
樓相去數武 翁方綱復初齋集移居詩半幅寒
林借鬱然繩牀北際竈西偏巢鶯漫報東橋訊判
乙曾來長史顛四壁磬懸雙石在比鄰茶話一甌
緣街坊爛麪名原好不敢隨人作嬾眠注王无咎

書水月庵扁在嬾眠榭水月庵予嘗居在庵南也潘奕儁三松堂集歲暮懷人詩注乙丑三月與羅臺山有高同寓水月庵七月別去藤陰雜記接葉亭對門大宅爲華亭王文恭頊齡舊第堂曰錫壽公孫祖庚以保定太守謁選癸未宴丙辰同徵鴻博八人於此劉文定綸詩人閒盛事傳衣鉢天上榮光屬斗台謂太守繼文恭舉詞科時惟朱稼翁稻孫亦繼竹垞而舉海內惟此二人錢宮庶載繪七清圖太守補任宣州袁隨園枚亦同舉者因題尾云酒置平津閣鐙明錫壽堂風前懷祖

德雨後對花光人老衣冠古園深水石蒼分箋賡
白雪還似詠霓裳 復初齋集集習庵宮允新寓
槐雲吟舫詩堂名錫壽舊傳聞菊借深杯勸客醺
此夕團圓追舊雨當年倡和並橫雲 張雲璈簡
松草堂集都門過外舅嵇文恭公故第詩有嬾眠
街裏幾逡巡猶是當年落魄身棲宿曾爲堂上燕
徘徊誰問路岐人注時第已他屬 雙佩齋詩集
芷塘招集留硯齋詩注乾隆己丑僑寓嬾眠衎衎
與君對字始相過從 王芑孫淵雅堂集同年何
工部道生割宅見處其地在宣南坊之爛麪衎衎

陳用光雙藤書屋詩集序雙藤書屋者余友蘭
上顏其齋名也何道生雙藤書屋集楊六士比
部夢符移居巷南以詩賀之亦有生齋集移居
詩注六士近居雙槐堂麓臺司農宅也復欲亭
集和陶移居詩自我官京師十年四徙宅自注今
移居嬾眠衲衲陳用光太乙舟集移居詩西頭
有屋計安便壓擔書多策蹇先吉宅從人誇故相
浮家笑我迫中年詩吟家具孟東野畫寫蘿雲葛
稚川菜圃花畦料理處解嘲與客說芝田又詩注
壬申移居嬾眠衲衲嵇文恭公故宅也北鄰藤花